



Deen aur Hum

Short Term Religious Course-X

Lecture Number: 11

Ramadhan-ul-Mubarak, 1447/2026, Lucknow (INDIA)

Date: 03/02/2026



SUMMARY (Imame Zamana (as) aur Hum)

Topic: Muntazir

Aayaat: Surae Mubarakae Momenoon [23], Ayat: 1 to 11

Note: The purpose of uploading these summaries is simply to help students. Given the possibility of error, please note that for the exam, the lecture given in class will be the primary reference, not the summary.

1. Muntazir ke Rewayat me kya Fazaal bayan kiye gae hain?

a. **Har Zamane se behtareen log honge**

Imam Sajjad (as): "...Be-shak is zamane ke log, jo us ki Ghaybat ke dour me honge aur us ki Imamat ka iqrar karenge aur us ke Zohur ka Intezar karenge, Wo har Zamane ke logon se Afzal honge. Kyunke Allah Ta'ala ne unhe wo Aql, Fahm aur Marefat ata ki hai jis ki wajah se Ghaybat ka daur un ke liye Mushahede ki tarah hoga." (Kamal ul-Din, V:1, P:319, H:2)

b. **Zohur ke waqt Hazrat ke Khaime me maujud logon ki tarah honge.**

Imam Sadiq (as): "Jo shakhs bhi is haalat me duniya se jaye ke wo is Amr (zahoor) ka muntazir ho, wo us shakhs ki tarah hai jo Hazrat Qaem ke khaime me moujud ho." (Kafi, V:5, P:22, H:2)

c. **Unko Roza-Daron aur Shab-Bedaron ka sawab milega**

Imam Baqir (as): "Aur jaan lo ke Zohur ke Muntazir ka sawab, Roza-dar aur Shab-Bedaar ibadat guzar ke barabar hai." (Al-Kafi, V:2, P:222, H:4)

d. **Rasool Allah (saww) ke saath jihad karne walon ki tarah honge**

Imam Reza (as): "Muntazireen ke liye yeh fazilat bayan ki gayi hai ke wo un logon ki tarah hain jo Rasool Allah (saww) ke saath Allah ki raah mein jihad kar rahe hon." (Oyun Akhbare Reza, V:1, P:68)

e. **Ummat me sab se gerami aur Rasool Allah (saww) ke Dost honge**

Rasool Allah (saww): "...Yeh mere Dost hain, aur meri ummat me sab se gerami hain." (Kamal ul-Deen, Vol:1, P:286, H:3)

f. **Ek Muntazir ka sawab Sadre Islam ke 1000 Shohada ke barabar hoga**

Imam Sajjad (as): "Jo shakhs hamare Qaem (atfs) ki Ghaybat ke dauran hamari Dosti par sabit-qadam rahega, Allah Ta'ala use Badr aur Uhud ke 1000 Shohada ke barabar sawab ata farmaye ga." (Kamal ul Deen, V:1, P:323, H:6)

2. Muntazir ki kya Zimmedariyan hain?

Muntazir ki 3 Tarah ki Zemmedariyan hain:

a. **Aqede ke hawale se**

i. **Deen par sabit qadam rahna**

Imam Sadiq (as): "Is mamle ke sahib (Imam Mehdi atfs) ki ek ghaibat hogi. pas banda Allah se Taqwa ikhtiyar kare aur apne Deen ko Mazbooti se tham le." (Kafi, V:1, Kitab ul-Hujjah, Bab-e-Ghaybah)

ii. **Har Zamane ke Imam ki Marefat**

Imam Sadiq (as): "Apne Imam ko pehchano, kyunke agar tumne apne Imam ko pehchan liya, to is amr (zohur) ke jaldi ya der se hone se tumhe koi nuqsan nahi pahunche ga." (Kafi, V:1, P:371, H:2)

iii. **Ahl-e-Bait (as) ki Muhabbat me Shiddat aur sabit qadam rahna**

Rasool Allah (saww): "Mere Maan, Baap fida ho us par jo mera hum Naam aur mera hum shakal aur Musa bin Imran (as) ki tarah hai, jis par Noor ke badal chhaye hue hain." (Kifayat ul Asar, P:156)

b. **Amal ke hawale se**

i. **Aemmah (as) ke Ahkam ki pairwi**

Imam Sadiq (as): "Jo kuch tumhare paas pichhle Aemmah ke ahkam hain, un par mazbooti se pairawi karo, yahan tak ke Amr (Zuhoor) tum par zahir ho jaye." (Kitab al-Ghaybah, Tusi, P:159, H:4)



Deen aur Hum

Short Term Religious Course-X

Lecture Number: 11

Ramadhan-ul-Mubarak, 1447/2026, Lucknow (INDIA)

Date: 03/02/2026



SUMMARY (Imame Zamana (as) aur Hum)

ii. **Kamzoron aur Ghareebon ki Madad**

Imam Baqir (as) ne farmaya: “..Tum mein se jo Taqatwar ho, wo Kamzor ki Madad kare, aur jo Maldar ho, wo Ghareeb par Meharbani kare, aur har shakhs apne Deeni bhai ke sath khair-khwahi kare. Agar koi shakhs is halat me Duniya se chala jaye, to wo shaheed hoga.” (Basharat ul-Mustafa, P:113)

Faqr ki Qismen: Maashi Faqr, Saqafati (Cultural) Faqr aur Deeni Faqr

iii. **Imam (atfs) ke doston se dosti aur dushmanon se dushmani**

Imam Baqir (as): “Khusha bahal us shakhs ka jo mere Ahl-e-Bait ke Qaim (as) ko paye aur un ki Ghaybat me un ki pairwi kare, un ke Doston se Dosti rakhe aur un ke Dushmano se Dushmani kare. Yeh shakhs Qayamat ke din mere Doston me hoga aur meri ummat me sab se gerami hoga.” (Kamal al-Din, V:1, P:286, H:2)

iv. **Hazrat Mehdi (atfs) ke Naam aur Yaad ko zinda rakhna**

Ye kam Shiyon ki Ahem zimmedariyon me se ek hai.

v. **Hazrat Mehdi (atfs) ki Salamti aur faraj ke liye dua**

“Aur faraj ki tajeel ke liye kasrat se dua karo.” (Kamal al-Din, V:2, P:483, H:4)

vi. **Wilayat ke saath Rabta barqarar rakhna**

Imam Baqir (as): “Ek waqt aisa aayega jab logon ka Imam ghaeb hoga. Khusha ba-haal un logon ka jo us waqt hamare Amr par sabit qadam rahen. Un ke liye kam se kam sawab yeh hoga ke Allah Ta'ala unhe pukare ga aur farmaye ga: “Aye mere bandon aur aye meri bandiyon! Tum mere ghaib par iman laya aur meri ghaybat ko sach mana. Pas main tumhe apne behtareen sawab ki basharat deta hoon. Tum mere haqeeqi bande ho. Main tumhe qabool karta hoon, tumhe maaf karta hoon, aur tumhare zariye apne bandon par barish barsata hoon aur un se bala ko door karta hoon. Agar tum na hote, to main un par azaab nazil karta.” (Kamal ul-Deen V:1, P:330, H:15)

vii. **Wahdat aur Hamdili**

Imam Zamana (atfs): “Agar hamare Shia, jinhe Khudawand apni ita'at ki Rah me madad farmae, Apne Ahed ki wafa me ek-Dil aur pukhta hon, to yaqeenan hamari mulaqat ki nemat me takheer nahi hogi, aur hum se sachchi marifat ke saath Mulaqat ki sa'adat unhe jald mil jaye gi.” (Ehtijaj, V:2, H:360)

viii. **Har waqt amadgi**

Imam Baqir (as): “Faraz ki adaegi par sabr karo, apne dushmano ke muqabale me ek dusre ki madad karo, aur apne muntazir Imam (as) ki madad ke liye hama waqt amad raho.” (Al-Ghaybah, Numani, P:199)

c. **Kirdar ke hawale se**

i. **Parhez-Gari aur Taqwa ki reayat**

Imam Sadiq (as): “Jo shakhs khush ho ke wo Hazrat Qaim (as) ke Ashab me se ho, to use chahiye ke Intezar kare aur Parhez-Gari aur achche Akhlaq ke saath zindagi guzare.” (Ghaybat, Numani, H:16)

ii. **Ghaybat ke dour ki Imtehanat aur Mushkilat par sabr**

Imam Husain (as): “Ghaybat ke dour mein aziyat aur takzeeb par sabr karne wala us mujahid ki tarah hai jo talwar le kar Rasool Allah (saww) ke samne dushmanon se ladta ho.” (Oyun Akhbare Reza, V:1, P:68, H:36)

3. **Kya Mahboob se Mulaqat mumkin hai?**

Mulaqat ki bunyadi shart: Mulaqat ka Allah ki Hikmat aur Maslehat ke mutabiq hona hai.

a. **Mulaqat ki Qismen:**

- Ezterar aur becharagi ki haalat me, Jab afrad mushkil me hon aur Imam (atfs) un ki madad ke liye aayein.



Deen aur Hum

Short Term Religious Course-X

Lecture Number: 11

Ramadhan-ul-Mubarak, 1447/2026, Lucknow (INDIA)

Date: 03/02/2026

SUMMARY (Imame Zamana (as) aur Hum)

- ii. Aam halaat me, jab mulaqat karne wale ka buland Ruhani maqam ho aur Imam (atfs) ke huzoor me sharafyabi naseeb ho
- b. **Mulaqat ke Waqiat bayan karne ka faedeh**
 - i. Imam Ghaib (atfs) ke wujud par Iman ki Mazbooti.
 - ii. Imam (atfs) ki Muhabbat aur Ishq me izafa.
 - iii. Ruhani rabte aur Tawassul me taqwiyat.
- c. **Hum se kya manga gaya hai?**

Imam Mahdi (atfs) farmate hain: “Faraj ki Tajeel ke liye ziyada Dua karo, kyunke isi me tumhara faraj hai.” (Kamal ul-Deen, V:2, C:45, H:4)

Imam (atfs) ne apne Shiyon se farmaya: “Tum me se har shakhs ko chahiye ke wo aise Amaal kare jo use hamari Muhabbat ke qareeb kare, aur un kaamon se door rahe jo hamari narazgi aur na-khushi ka baais banen.”

Haj Ali Baghdadi ki Mahboob se Mulaqat (Bihar al-Anwar, V:53 /Al-Najm al-Saqib, Waqea No.:31)